

**TATINB'AL IJLENAL TETZ TENAM
K'UJB'AB' TZII TETZ IJLENAAL TI' U TIILA ILTZA'L NIPAALB'ELE' XO'L TENAM
TUCH' TI' TOKSAL TITXA'K.**

Tu tenam Tx'ava'il Ixi'm tu q'ii kaava'l tachb'al ivajpaj ich' tetz u ya'b' 2020

**NI NIMB'IXSAL TUUL IQ'II U K'UJB'AB' TZII B'ANEL TU Q'II KAALAVALTACHB'AL
ITO'PAJ TU YA'B' 2020, TUCH' Q'U B'ANB'ALAJ TUCHE' TU JUJLAVAL, VINAJ
KAAVA'L TUCH' VINAJ JUNLAVAL TACHB'AL ITO'PAJ ICH' TU YA'B' 2020.**

IXE'AL TOKEB'AL

As aatz u Tatinb'al Ixe'al B'ek'b'al tu Tx'ava'il Ixi'm atilka tuul as a' sa inuk'tib' utz a' sa ilon inujul ixeel q'u aatenam va'l jejelel tuul tuch' q'u tatine', utz nital majte as aatz u tiichajil aya' ma'l u okeb'al atilka as nimalche' ye'xhab'il samajax ti', ootzajimal as a' ma'l vib'o'q'ol u okeb'al utz ma'l u b'a'n'il xo'l tenam, ootzajimal majte as aatz u tatin u puuj, u tatin u tenam tuch' q'u aq'on cheeab'al puaj utz nitatine' as b'a'n tatin tenam, utz kajayil q'u q'esalib'al aq'on sanuk'un q'u taq'onin tuch' u tatin u ijlenal xo'laj aanima tu va'l jejelelka ech samotx atin tib'a'n'il sikajayil.

Echa' va'l nital tu q'u b'ek'b'al 5-2020, u 6-2020, b'ek'b'al 7-2020 tuch' 8-2020, aq'el elu'l tu ijlenal tuch' q'u seb'al iq'ab', utz aq'el tziite tu q'u b'ek'b'al 8-200, u 9-2020, 21-2020, tuch' u 22-2020, B'anel tu B'amb'al B'ek'b'al, as nitale', nitaq'ax tzii ti', inimb'ixsal tuul iq'iil b'anax va'l nital ti' u tilax inujul u Tiila Iltza'l nipaaleb'ele', tan a' nixe'atib' tu vixe'al Tatinb'al B'ek'b'al tu Tenam Tx'ava'il Ixi'm as taq'on u ijlenal taq'ax elu' tzii ti' tilax inujul u tenam tulaj echa' ipaaleb'el iltza'l oj jolte as oje'la tzii tatine' oj k'axk'o nipaaleb'ele', ta'xh tzii tan sataq' ootzajiloj tu q'u B'anol B'ek'b'al tu q'u'l inuk'u nib'ane'.

Aatz tu q'ii kalaval tachb'al ito'va' ich' tu ya'b' 2020, vet aq'ax elu'l tzii vi' tenam tu ijlenal ti' u iltza'l nipaaleb'ele' utz techenal sa oksal titza'k, vet atin nimb'ixsal tuul tuch' b'amb'al tuche' tu q'ii jujlaval, tu vinaj kaava'l tuch' tu vinaj junlaval tachb'al ito'paj ich' tu ya'b' 2020, as techenal sa oksal titxa'k ib'amb'ele' ti' tilax inujul q'u tiichajil sa atini vatz u yaab'il nipaale' echa' u COVID-19, aatz cheel techenal sayake' uxhchil ti' tilax inujul ib'anaxtuch u atinchil vatz u yaab'il nipaaleb'ele' tza' utz sa atinsal joltoj txumb'al ti' toksal titxa'k xo'l q'u aanima.

Tan echa' oj samajax b'ioj ib'anax va'l nital u b'ek'b'al loq' ye'k sa el ti' va'l nital vixe'al Tatinb'al B'ek'b'al tetz u tenam Tx'ava'il Ixi'm, tuch' joltu b'ek'b'al oknaj tixo'l q'u b'ek'b'al tza', a'chit echa' q'u b'ek'b'al b'anel elu'l tu llo'l Inujul Tatin Okeb'al tuuleb'al u vatz

tx'ava', utz techenal sa aq'ax ootzajiloj tu kajayil q'u aanima, k'uchul ivatz tenam tuch' q'u taq'onom, joltaj molich anima nitaq'onine' tuul tuch' aanima ti'el u tenam tza', utz niqale' as tx'anel talax el tuch' tootzajil inimal va'l nital u ijlenal utz nitalaxka as techenal sanimal imajax ipaale'.

Ti' tan nitaq'ax elu'l, taq'oninsale' tuch' ijatxaxel q'u tatinaj puuaj ti' tilax inujul q'u ooje'la tzii lachaj aq'on ti' u yaab'il Covid-19, echa' taq'ax u lochb'al tetzaj aanima tuch' tatine', u lochb'al ti' ikolax tu aq'on, u lochb'al tetz tx'oj ti' tatinsal aq'on, utz nitilaxe' as aatz q'u kolb'alaj tatin puaj, q'u lochol tetz, tuch' u tatinb'al puuaj sikajayil, sa aq'onini ta'xhtzi sinima q'u b'ek'b'al atilka ti' tilb'et tib', utz sataq' yak'il ti' ik'ulta' ech sa inima ib'anax u aq'on ijatzimal taq'o ti' ijatxlu q'u lochb'al vet qala tza'.

ECHTOKE'

Tan in ma'l ijlenal aq'elka tu b'ek'b'al, a' nixe'av tib' tu q'u tijle'm atilka tuch' q'u aq'on atilka sivatz nitaq' ootzajiloj q'u kam sab'anaxi tza':

INIMB'IXSAL TUUL IQ'IIL TUCH' IB'ANAX TUCH U K'UJB'AB' TZII AQ'EL ELU'L TU IJLENAL TI' U TIILA ILTZA'L NIPAALEB'ELE' TUCH' INIMAL TOKSAL TITXA'L.

Ti' iyolb'ele', toksal tu xo'l tuch' itxakunsal q'u tzii nital u ijlenal, a' nitoksa titxa'k va'l nital ti' tilax inujul tatin itiichajil q'u aanima tuch' toksal titxa'k u tokeb'al q'u aanima utz a' iq'omal taq'o ib'anax u b'a'nil xo'l q'u aatenam.

Aatz q'u b'ek' nitaq'ax elu'l tza', a' k'ajel taq'o tilax inujul tatin tu b'a'nil q'u aanima atil tu tenam tx'ava'il ixim, utz sab'anb'eli tu kajayil u tuuleb'al u tenam tza', tu q'u atinb'al tuch' q'u xaaomlachaj ch'ich' nixaan tu tuuleb'al q'u tenam, va'l oknaj tu b'ek'b'al utz nimal kajayil q'u tatin aanima va'l ootzajimalnal tatin tu tenam tza'.

B'AXA: INIMB'IXSAL IQ'IIL TUCH' TOKSAL TITXA'K.

Anko'xh oknaj titxa'k q'u majonchil atilka tu K'ujb'ab' tzii tetz ijlenal va'l aq'el elu'l tu q'ii kaalaval tachb'al ito'paj ich' tu ya'b' 2020, utz b'anel tuche' tuch' inimb'ixsal tuul iq'iil tu q'ii jujlaval, vinaj kaava'l tuch' tu vinaj junlaval tachb'al to'paj ich' tu ya'b' tza', utz lanal alaxi jatu laya' ib'anb'ele' utz techenal sanimali, sa oksal joltu tz'ajsab' tetz utz aya' q'u'l tza':

Aatz u b'ek'b'al tza' satek oksal titxa'k sib'an tu VIERNIXH O'VA'L TACHB'AL IVAJPAJ ICH' TU YA'B' 2020, tul sa opon o'va'l oora q'ala'm.

IKA'B': IB'ANAX TUCH IQ'IIL TOKSAL TITXA'K U MAJONCHIL TUCH' VIMAJAX IXAANPAAL Q'U AANIMA.

Nib'anax tuch' u K'ujb'ab' tzii atilka tu VIKAB', tu ma'l tajnib'al, techlal e) b'anel tu q'ii kaalaval tachb'al ito'paj ich' tu ya'b' 2020, b'anel tuche' tu q'ii jujlaval, vinaj kaava'l tuch' tu vinaj junlaval tachb'al ito'paj ich' tu ya'b' 2020, "TI' VIXEEL VITIICHAJIL U TENAM TUCH' VIMAJAX IXAANPAAL Q'U AANIMA" utz nitz'ajsalok vivajaj tanul yol ech tek sak'uje'ka tza':

"vi) Q'u'l nik'ul ipuuaj tuch' q'u aq'onom ti' tilax inujul puuj tu tenam, oknaj tuul echa' q'u'l nilochon ti' iltza'l, komonaj aq'on, jolte as nitil inujul puuj tuch' kajayil q'u tatinb'alaj puuj q'u'l aq'el tziite, utz techenal samotx tiq'o paal k'uchb'al taq'onib'al tu atinb'al va'l nitaq'oninka utz aq'el tziite tu atinb'al ti' ixan paal tu q'u tuuleb'al q'ii as majel tatin tu K'ujb'ab' tzii tza'."

ITOXVA': IB'ANAX TUCH U YAKE'CHIL TU AQ'ON OJ IB'ANAX AQ'ON.

Niteesal titxa'k va'l atilka tu techlal a) va'l atilka tu tachul 2) va'l atilka tu K'ujb'ab' tzii tetz ijlenal tu IVAJPAJ va'l aq'el elu'l tu q'ii kaalaval tachb'al ito'va' ich' tu ya'b' 2020, "AQ'ON NIMAJLE' TUULEB'AL Q'IIL"

KAAVA': ITZ'JSALOK K'UJB'AB' TZII TETZ IJLENAL.

Nitz'ajsalok u K'ujb'ab' tzii tetz ijlenal tu VIVAAXAJLAAPAJ tanul va'l anko'xh atilok titxa'k, utz satz'ajsali ech sak'uje'ka tza':

"IVAAXAJPAJ: TI' Q'U AQ'ON TUCH' LOCHO'M AS NITATIN TILAX INUJUL, TITZ'AL IXE'TE', IXE'TISALE' OJ PAAL TATINE'.

IXE'TISAL ITXAKUNSAL ITZ'AB'AL TI' IXAAN B'IIL Q'U CH'ICH' IJAN AANIMA TU TENAM TX'AVA'IL IXI'M: TRANSMETRO. Aatz u q'atb'al tzii tu tenam Tx'ava'il Ixi'm saveeti satitz'a tu q'u q'ii vaajil tuch' tu jujva'l tachb'al ivajpaj ich' ti' ixet'isal ixan ipaal u ch'ich' TRANSMETRO, tu q'u q'ii va'l saveetka, utz sa itxakunsa q'u tilax inujul atilka tu llo' Inujul Tiichajil tenam tuch' lochb'al aanima, utz sa ib'antuch q'u tatine' tu jatva'l ko'xh tanul.

Q'u taq'onom q'atb'al tzii satalpaal tu kajayil q'u paxsab' tzii vi' tenam ti' q'u'l kam ech taq'onine' sa aq'oni, til sapaalka, kam oora, ija'mel ipaale' tuch' jolte. Q'u aanima nitija techenal sa inima q'u b'ek'b'al satal q'u'l iq'esal aq'on, a'chit echa' topon tu viyak'il tachul aanima satija junun ch'ich'.

U llo' Inujul Tiichajil tenam tuch' llochb'al aanima, u q'esala tetz ijlenal ti' tilax inujul yaab'il Covid-19 (COPRECOVID) tuch' u q'atb'al tzii tetz tenam Tx'ava'il Ixi'm, samotx iyolb'e tib' ti' itxakunsa q'u kamaj tetz tuch' tatinsal k'uchb'al taq'on

ti' talta' til vet xaanku ipaal u ch'ich' ijan aanima tu tenam oj ti'el u tenam vet ib'ana".

U k'ujb'ab' tzii tza' sa alax xo'l u tenam sikajayil utz sa aq'ax elu'l vatz saj tu u Paxsan B'ek'b'al vi' tenam, sa aq'ax ootzajiloj tu q'u paxsan tzii vi' tenam tuch' q'u paxsab' tzii vi' kajiq' atile, oknaj tu ach echa' q'u k'uchb'alaj aq'on tetz ijlenal.

AQ'AXOJEL ITZIIUL UTZ NIMALOJ.

